

«ԳԻՎԱՆ ԱՄՅ ՎԻՄԱԳՐՈՒԹՅԱՆ», պրակ 7, Ուկրաինա—Մոլդովա, կազմող՝ Գ. Մ. Գրիգորյան. Երևան, 1996, ՀՀ ԳԱԱ «Գիտություն» հրատարակչություն, տպաքանակ 500, 410 էջ:

Հայերեն վիճադիր արձանագրությունների վերանայություններին նվիրված չափազանց արժեքավոր այս մատենաշարը, որն ըստ տարածաշրջանների ներկայացնում է ազդյուրագիտական եզրակի նշանակություն ունեցող նյութը, որպես կանոն լույս է տեսնում խիստ երկարատև ընդմիջումներով. բավական է նշել, որ նախորդ՝ 6-րդ հատորը լույս է տեսել 1977 թ. Եթե հաշվի առնենք նաև, որ վերջին հատորի պատրաստման աշխատանքները սկսված են եղել դեռևս 1960-ական թթ. վերջերից (այդ մասին նշված է պրակը կազմողի խոսքում), այս պարզ կլաոնա, որ այն շուրջ 3 տասնամյակի տեղում չի հասնում իր նպատակին արդյունք է, հետևարար, մեր խորին համոզմամբ, կարող էր ներկայանալ որպես հիմնարար մի աշխատություն:

Սակայն, կարգալուծ մատենաշարի 7-րդ պրակը և միանգամայն ողջունելով նրա հրատարակման փաստը, ստիպված ենք արձանագրել, որ տվյալ դեպքում աշխատությունն զուրկ է թերություններից: Հարկ ենք համարում կատարել մի շարք լրացումներ:

Գրքի № 206 արձանագրության 2-րդ հրատարակիչը (Մինաս Բժշկյանից հետո) եղել է Արևի վարդապետ Մխիթարյանցի (սՄեղու Հայաստանի», 1859, № 49, էջ 392) և ոչ թե Տեր-Արքայանյանը: Վիճադիր նախկին հրատարակիչների ցուցակում չկա Արևի վարդապետի անունը: 1837—40 թթ. ընթացքում նրա կատարած ճամփորդական զրատումները հողվածաշարով լույս են տեսել հիշյալ շարաթաթերում և հաղեցած են կարեոր տվյալներով: Ի դեպ, արձանագրությունը հրատարակվել է նաև «Տարտղ» հանդեսում (1897, № 41, էջ 649), որը նույնպես հղված է:

№ 232 արձանագրությունը, որը վերաբերում է դեպի Ս. Խաչ վանքը տանող ճանապարհի վերանորոգմանը, հրատարակել է նաև Հովհ. Սպենդիարյանը՝ Ս. Խաչ վանքին նվիրված արժեքավոր և ընդարձակ հոդվածում («Մշակ», 1892, № 46, էջ 2):

Միմֆերոպոլի հայոց Ս. Աստվածածին եկեղեցին, որը 1897 թ. հրդհվել էր և նորոգումից հետո վերստին օծվել 1898 թ. հունվարի 1-ին (սնոր-Գար», 1898, № 15, էջ 3), կից ունի դանդակատուն: Վերջինս իր ձևի սովորական էր Մերկերիտ Աղա Մոմճյանը, որն էլ վախճանվելուց հետո (1872 թ.) թաղվել է նույն դանդակատան պատի տակ: Ահա այս բարեգործ անձի մարմարակերտ տապանաքարի արձանագրությունը, որը հրատարակված է եղել ժամանակի պարբերական մամուլում (սՄեղու Հայաստանի», 1878, № 1, էջ 2), և որը, սակայն, դուրս է մնացել «Գիվանի» սույն պրակից (տե՛ս էջ 122):

ՄԷՐԿԵՐԻՏՈՍ ԱՎԱՅ ՄՈՄՃԵԱՆ
ՉԷ ԱՅՍ ՄԱՀԱՐՁԱՆ ԿՈՐՈՂ ՔՈՅ ՓԱՌԱՅ,
ԱՅԼ ՋԱՆԳԱԿԱՏՈՒՆՍ ՋՈՐ ԶԵՌՔ ՔՈ ԿԱՆԳՆԵԱՑ.
ԱՄՈՒԼ ՔՈ ԲՆՈՒԹԵԱՆ ՀԱՆՃԱՐ ՔՈ ՅԱՂԲԵԱՑ.
ԺԱՌԱՆԳ ՔԵՋ ԻՈՂԵՐ ՋՄԱՆԿՏԻՆ ՀԱՅԿԱԶԱՆՑ
ՋԴՊՈՑ ՏԱՃԱՐԻՍ ԱԻԱՆԴԵԱԼ ՔՈ ԿՏԱԿ
ՓԱՅԼԵՍՑԷ ՅԱԻԵՐԺ Ի ՔՈ ՅԻՇԱՏԱԿ,
ՎԱԿՃԱՆԵԱԼ Ի 13 ՕԳՈՍՏՈՍԻ
1872 ԱՄԻ, Ի ՀԱՍԱԿԻ 62 ԱՄԱՑ.

Պրակի կազմից դուրս է մնացել նաև զանգակատան շինարարական արձանագրությունը («Մասայց Աղալի», 1865, փետրվար, էջ 26):

ՋԱՆԳԱԿԱՏՈՒՆ ՍՐՔՈՅ ՏԱՃԱՐԻՍ ԿԱՌՈՑՑ ՄԵՐԿԵՐԻՏՈՍ
ՑՈՎՀԱՆՆԻՍԵԱՆ ՄՈՄՃԵԱՆ Ի ՅԱԻԵՐԺԱԿԱՆ ՑԻՇԱՏԱԿ
ԻԻՐ ԵՒ ԾՆՈՂԱՑՆ. ՌՑԺԴ=1864.

Պրակի նույն՝ 122-րդ էջում նշվում է, որ կաթուղիկ հայերի կառուցած եկեղեցու հիմնադրման թվականն ու անունը հայտնի չեն: Իրականում Սիմֆերոպոլի հայ-կաթուղիկ եկեղեցին իր ծախսով 1863 թ. կառուցել է սոցիալական պատվաբեր բազմաբան Սարգիս Նալբանդյանցը: Նա վախճանվել է 1864-ին և թաղվել եկեղեցուն կից պարտեզում (սՄեզու Հայաստանի», 1878, № 47, էջ 3): Մարմարակերտ տապանաբարձն արձանագրված է եղել:

ՏԱՊԱՆ ԶԱՆԳՍՏԵԱՆ ՍԱՐԳՍԻ
ՏՈՎԱՆՆԻՍՆԱՆ ՆԱԼԳԱՆԳԻԱՆ,
ՎԱԽՃ. 1 ՄԱՅԻՍԻ 1864 Թ., 66 ԱՄԱՅ:

Մյուս երեկին.

ՏԱՊԱՆ ԶԱՆԳՍՏԵԱՆ ՍՈՓԻԱՅ
ՄԻՔԱՅԷԼԻԱՆ ՆԱԼԳԱՆԳԻԱՆ, ՎԱԽՃԱՆ.
1 ՓԵՏՐՎ. 1862 Թ., 38 ԱՄԱՅ:

Երկու արձանագրերն էլ դուրս են մնացել «Դիվանի» հատորից, իսկ եկեղեցու անունն ու կառուցման թիվը վկայված են բազմաթիվ աղբյուրներում: Մասնավորապես հայտնի է, որ 1863 թ. մետրոպոլիտի 2-ին օժիվն է եկեղեցին և առաջնորդարանի շենքը, որոնց վրա նույն Ս. Նալբանդյանցը ծախսել էր շուրջ 60 000 ռուբլի («Նոր-Գար», 1887, № 93, էջ 2-3), իսկ 1913 թ. մայիսի 5-ին բազմաբանակ հայ կաթուղիկները մեծ շուքով նշել էին Ս. Փրակի: Եկեղեցու հիմնադրման 50-ամյակը («Մշակ», 1913, № 105, էջ 3): Ինչպես տեսնում ենք, հայտնի են ոչ միայն եկեղեցու անունն ու կառուցման թվականը, այլև մեկնաստի անունն ու ծախսված գումարի չափն իսկ:

Հատորի 142-րդ էջում գրված է, որ Արմյանսկի Երեմյանի հայոց եկեղեցին ունեցել է նաև դանդակաատն, սակայն կառուցման թվականը չի նշված: Ավելորդ չենք համարում նկատել, որ դանդակաատն շինությունը 1871 թ. ավարտին է հասցրել Երեմյանի Սկրյուպնը, ծախսելով 6000 ռուբլի («Նոր-Գար», 1886, № 102, էջ 3):

148-րդ էջում կապույտը նշել է, որ XIX դարում Ռախիստրայում եղել է Ս. Աստվածածին բարաշեն ու դմբեթավոր եկեղեցի, բայց այս տեղեկությունը չի լրացրել հետևյալ կարևոր վկայությամբ. «Եկեղեցին օժել է հանդուցյալ Արղուիսյանց Հովսեփ արքեպիսկոպոստ 1787 թվին» («Մեզու Հայաստանի», 1878, № 21, էջ 3):

Նույն՝ 148-րդ էջում ասված է, թե սՄեստոպոլ բազմաբան հայկական պատմական հուշարձաններ չկան: Ի՞նչ եղան հայ-կաթուղիկ եկեղեցին, որը 1889-ին ենթարկվել էր նորոգման և աղոթատունը, որի կառուցմանը ձեռնամուխ էին եղել 1903 թ. («Նոր-Գար», 1888, № 157, էջ 3 և 1903, № 66, էջ 1):

251-րդ էջում № 596 արձանագրությունը և նրան վերաբերող տվյալները հրատարակված են աղավաղված: Նախ՝ այդ տապանագիրը Ս. Նիկողայոս եկեղեցու մոտ չէր, այլ Ս. Ավետյաց եկեղեցու, իսկ ավագ բաժնանա Սուրենյանցի հրատարակության մեջ այն հետևյալ տեսքին ունի.

ԹՎԻՆ ԶԱՅՈՑ ԶՂՐ ԶԱՆԳՍՏԵԱՆԻ ԵՒ ԹԱՂԻՑԱԿԻ
ՊԱՆ ԶԱԿՈՐ ՈՐԴԻ ԱՄԻՐՃԱՆԱՅ:

244-րդ էջում № 576 արձանագրության նախկին հրատարակիչների թվում չի հիշվում Սուրենյանց բաժնային անունը («Մասյաց Աղավնի», 1865, էջ 247):

Էջ 249-ում № 590 արձանագրության նախկին հրատարակիչների ցանկից վրիպած է նույն Սուրենյանցը (նշվ. հոդվածը, էջ 247):

Պրակի՝ Ժվանեց բնակավայրին վերաբերող բաժնում վրիպած է տեղի Ս. Գրիգոր Լուսավորիչ եկեղեցու արևմտյան դռան առջև գտնված մի տապանաբարի արձանագրությունը (նշվ. հոդվածը, էջ 248).

ԱՅՍ ՇԻՐԻՄՍ ԶԱՆԳՍՏԱՐԱՆԻՆ,
ԽԱՐԻՊՇԱԿԱՆՍՍ ՍՉԳԱՏՈՂՄԻՆ,
ՊԱՏԱԿԻ ՊԱՐՈՆ ԶԱԿՈՐԻՆ,
ՈՐԴՈՒՆ ԱՆՈՒԱՆԻԱԿ ՆԱԳԱՐԻՆ,
ՈՐ ՓՈԽՆՅԱԿԻ Ի ԿԻՆՍՍ ԹՎԻՆ:

ՀԱԶԱՐ ԵՐԿՈՒ ՀԱՐԻՒՐ ՀԻՆԿԻՆ
ԱՊՐԻԼԻ ՏԱՄՆ ԵՐԵՔԻՆ
ՀԱՆԴԻՊՈՂՔ ՅԻՇԷՔ ՍՈՐԱ ՀՈԳԻՆ,

255-րդ էջի № 604 արձանագրությունը առաջին անգամ տեսել ու նկարագրել է «Արձա-
դանք» շարաթաթերթի թղթակից «Ճանապարհորդը»՝ 1884 թ. (№ 37, էջ 544), ուր մաս-
նավորապես ասված է. «...առաջ րան մեկնելու Օղեսայից ես հաճախեցի տեղվույս թանգա-
րանը, ուր, ինչպես լսել էի կաղարյան ճեմարանի հունաց լեզվի ուսուցիչ պ. Պ. Լ...-ից, կան
մի բանի հայկական արձանագրություններու կրգարն, ես տեսա այդ արձանագրությունները,
որոնք թվով չորսն են. զորս զոված են հայոց երկաթագիր գրերով. չորսից երեքը ճեղքած
քարի կտորներ են միայն և նոցա վրա հայիվ նշմարվում են կես բառեր կամ առանձին գրեր
ու միանգամայն անընթեռնելի են, իսկ չորրորդ բառանկյունի քարն տախտակ է, որի վրա
արձանագրությունը զեղեցիկ կերպով պահպանված է: Տախտակը, ինչպես երևում է, հանված է
ղամբանական շիրմի վերայից, իսկ արձանագրությունը բանկակված է ի հիշատակ երեք ան-
ձանց՝ Փառակեցի Ոսկանանց Սահակի և նորա երկու զստերաց, որոնք մեռել են հայոց ՌՃՂԲ
թվականին, այսինքն 1743 թ.: Քանչև արանի սպասավորը ինձ հաղորդեց, որ չորս քարերն էլ
գտել են երիմում...»:

Օղեսայի բաժնում կաղմոզը չի տվել մեկ այլ վիճակի նկարագրություն, որն անչուշտ,
ևս հարկ էր ծանոթագրել: Ահա այն. «Երևան էմիրտինսկու» բազարից ոչ հեռու գտնվող կալ-
վածքում այս օրերս գտնվել է մի մարմարյա զերեղմանարար, որի վրա հայերեն տառերով
գրված է, որ այդ տապանը Թովմաս Այվազ Օղուն է պատկանում: Այդ քարի վրա արձա-
նագրված է Դավթի սաղմոսը և փոռագրված են երեք հատ մոմեր: Քարի վրա գրված է 1186
թիվը, ուրեմն 705 տարվա զերեղմանարար է» («Մշակ», 1891, № 103, էջ 1—2):

Աղբերմանի Ս. Օղեսնտ եկեղեցու բաժնում (էջ 261—267) կաղմոզը առանց հղման է
Քողիլ աջ. Ս. ստորագրությունը մի կարևոր հոլոված («Նոր-Դար», 1889, № 59, էջ 3), ուր
հիշատակված են թվով 6 վիճակներ («Դիվանի» № 625, 626, 627, 628, 629, 630): Ի
զիպ, աջ. Ս. և-ն № 627 արձանագրության առաջին հրատարակիչն է, ինչը «Դիվանում» թյու-
րիմացարար վերագրված է իրեն՝ կաղմոզին, իսկ № 610 արձանագրության առաջին հրատա-
րակիչը ոչ թե Քուչուկ-Հովհաննեսովն է, ինչպես հղել է կաղմոզը, այլ նույն պրն. աջ. Ս. և-ն
 («Նոր-Դար», 1889, № 59, էջ 3):

Բացի այդ, պրակի № 626 և № 630 վիճակների առաջին հրատարակիչն էր ավագ քաշա-
նա Սուրենյանը («Մասյաց Աղավնի», 1863, 1 հունիս, էջ 169), այլ ոչ Քուչուկ Հովհաննեսովն
ու Մելիքսեթ-բեկը՝ ինչպես հղված է պրակում:

Աղբերմանի բաժնում վրիպած է արդեն 1863 թ. ավերակ վիճակում գտնվող մի եկեղեցու
արձանագրությունը, որի հրատարակիչն է նույն Սուրենյանց ավագ բահանան («Մասյաց
Աղավնի», նույն տեղում):

ՎԵՐՍՏԻՆ ՆՈՐՈԿԵԱԿ ԿՐԵՏԱԻ ՅԱՆԿ ԿԱՆՁԱՐԱՆԻՍ, ԽՎ.
ԻՃՂՁ, Ի ԾՈՎԱԿԱՅԵԱՑ ՔԱՂԱՔՆ ԱԿՔԻՐՍԱԿՆ, Ի
ԿՈՒԻՆ ՍՈՒՐԲ ԱՍՏՈՒԱԾԱԾՆԻ, ՍՈՒՐԲ ՕԿՍՆԵՂԻՆ
ԵՒ ՍՈՒՐԲ ՅՈՎՀԱՆՆՈՒ ԱԻՆՏԱՐԱՆՉԻՆ, ԵՐԻՑ
ՍՐԲՈՑ ՏԱՃԱՐԱՆՆ:

«Ուկրաինա» բաժնից ընդհանրապես զուտ են մնացել մի շարք հայկական բնակավայ-
րեր և նրանցում առկա արձանագրական նյութը: Մասնավորապես, ինչպե՞ս կարելի էր ան-
տեսել Նոզայակ (այժմ՝ Պրիմորսկ), Մելիտոպոլ, Լուգանսկ (Վորոշիլովգրադ), Նարկով և այլ
հա՛ համայնքներ, իսկ թե որքան կարևոր էինք զրանք՝ փորձենք ամենահամառոտ կերպով
(միայն մի բանին իբրև նմուշ) նեոկալացնել ստորև:

Նոզայակ—հայերն այդտեղ հաստատվել են 1812 թ. և կառուցել փայտաշեն եկեղեցի:
1845-ին փայտաշեն եկեղեցին փոխարինել են հողաշենով, որն էլ 1868-ին փոխարինել են
քարե նոր շինվածքով («Արարատ», 1884, հունիս, էջ 275—277): Արդեն 1882-ին այդ եկե-
ղեցին վտանգավոր ճաքեր ունեն և վերանորոգումների անհրաժեշտություն կար, բայց նո-
զայակի 40 տուն հայերը որոշել են փոխանակ նորոգության, «ի հիմանե՛ս նոր եկեղեցի կառու-
ցել: 1887 թ. նոյեմբերի 11-ին Նոզայակում օծվեց Ս. Աստվածածին նորակառույց եկեղեցին
(«Նոր-Դար», 1887, № 211, էջ 2):

Մեխիտոսյուզ — հայերն այդտեղ հաստատվել են միայն 1810-ական թթ. և մինչև 1884 թ., երբ զաղութն արդեն բաղկացած էր 30 ընտանիքից, ունեին միայն մի աղոթատուն: 1889-ին, շնորհիվ Ավետիք Խլեբնիկյանի, մեխիտոսյուզիներն ունեցան «...մի հոյակապ եկեղեցի բազալի կենտրոնում. եկեղեցու բակում կա մի վայելուչ շենք բահանայի բնակության համար և գեղեցիկ շինություն երկսեռ դպրոցի համար: Գարոցն իր գոյությունը պարտական է բազալի մեջ մեծ հեղինակություն ունեցող պ. պ. Հովհաննես և Պետրոս Չերնիկյաններին...» (Մշակ, 1889, № 64, էջ 2): Վերջինս 3 000 ուրլի արժույթյամբ իր սեփական տունը նվիրել է հայոց դպրոցին: Ի դեպ, եկեղեցու հիմնարկերը կատարվել է 1883 թ. հոկտեմբերի 15-ին (Սևրաբատ, 1883, դեկտ., էջ 549):

Խարկով — մինչև 1905 թ. դեկտեմբերի 25-ը, երբ տեղի նորակառույց եկեղեցում մատուցվեց առաջին պատարագը, Խարկովի 35—40 տուն հայերը ունեին միայն մի հասարակ մատուռ: 1924 թ. Խարկովի Ս. Գրիգոր Լուսավորիչ եկեղեցին Ս. Էջմիածնից եկեղեցական դրականություն էր ստացել (ՀՀ ՊԳԱ, ֆոնդ 409, ցուցակ 1, դործ 3392, թերթ 1):

Լուգանակ — «Եկատերինսյուզի նահանգի Լուկանսք բազալի հայ հասարակությունն, որ շատ տարիներ ի վեր վաճառականությամբ հաստատած են այդտեղ իրենց բնակությունը, ցանկանալով ունենալ նույն բազալին մեջ հայոց աղոթատուն և մի տեղական հայ բահանա՝ խնդրամատույց են եղել այդ մասին վիճ[ուկի] հ[ոգևոր] իշխանության» (Նոր-Գար, 1885, № 185, էջ 3): Շատ շանցած լուգանակի հայերի ցանկությունը իրականություն է դարձել, իսկ եկեղեցին օծվել է Ս. Լուսավորիչ անվամբ: 1913 թ. այդ եկեղեցու բակում հողին էր հանձնվել տեղացի Սարգիս Փափաղյանի մարմինը, որը եկեղեցուն և դպրոցին կտակել էր 100 000 ուրլի (Մշակ, 1913, № 265, էջ 3):

Քիշինեի Ս. Աստվածածին եկեղեցու 1804 թ. նորոգման մասին պատմող արձանագրության համար (էջ 281) իրրե նախկին հրատարակիչ նշվել է միայն Ա. Խորամանյանի 1991 թ. հրատարակված աշխատությունը, մինչդեռ 1863 թ. վիճադիրն ամբողջությամբ հրատարակվել էր (Մասյաց Աղավնի, 1863, 1 հուլիս, էջ 206):

Ի դեպ, նույն եկեղեցու. «...որմոյն մէջ ամփոփեալ մարմարիոնեայ» բարի վրա եղել էր նախկինում հրատարակված, բայց «Դիվանի» տվյալ հատորից դուրս մնացած հետևյալ վիճադիրը (Մասյաց Աղավնի, նույն տեղում).

ԱԻՎՅԻ ԱՅՍԻ ԱՐՁԱՆԻ ՈՐՄՈՅ ՏԱՃԱՐԻ ՀԱՆԳՉԻ
 ՄԱՐՄԻՆ ԴՐԱԿՈՒՄԱՆ ՊԷՅԻ ԵՒ ՏԷՅՍՏՎԻԲՅԱՆԻ
 ՍՏԱՏՍՍԻ ՍՈՎԷՔՆԻԿ ԵՒ ԿԱԻԱԼԵՐ ՄԱՆՈՒԿ ՊԷՅԻ
 ՀԱՆԳՈՒՑԵԼՈՅ Ի 20 ՅՈՒՆԻՍԻ 1817, Ի 48 ԱՄԻ
 ԿԵՆԱՑ ԻԻՐՈՑ:

302-րդ էջում Հնչեշտի համայնքին վերաբերող շարագրանքում վրիպել են 1860-ական թթ. Հնչեշտում հայոց դպրոցի գործունեությանը, 1872-ին՝ Մանուկ-թեյի որդու՝ Հովհաննես րեյի (ծնվ. 1810 թ.) ծախսով հայոց եկեղեցու կառուցմանը վերաբերող տվյալները և այլն:

Մեկ հայտնի է, որ Հնադիտության և Այդաղրության ինստիտուտի վիճադրության բաժնի վարիչ և սույն պրակի հեղինակ Գրիգոր Գրիգորյանը պատրաստվում է մատենաշարի 8-րդ պրակով նեոկոյացնել նաև Թուսաստանի հայ զաղթավայրերի վիճագրական նյութը: Ողջունելով ձեռնարկը, միաժամանակ հույս հենք հայտնում, որ ի տարբերություն ներկա պրակի, այն կլինի առավել ամբողջական:

Ս. Գ. ԿԱՐԱՊԵՏՅԱՆ